



SIARAN AKHBAR

PELANCARAN SISTEM *CENTRAL SECURITIES DEPOSITORY*

1. Autoriti Monetari Brunei Darussalam (AMBD) telah melancarkan *Sistem Central Securities Depository* (CSD) pada Hari Jumaat, 15 Syaaban 1438 bersamaan dengan 12 Mei 2017. Ini merupakan fasa seterusnya bagi Sistem Pembayaran dan Penyelesaian Kebangsaan setelah pelancaran sistem *Real Time Gross Settlement (RTGS)* bagi pemindahan dana bernilai tinggi antara institusi-institusi perbankan secara elektronik pada bulan November 2014, pelancaran sistem *Automated Clearing House (ACH)* bagi pemprosesan cek-cek secara automatik pada bulan Mei 2016 dan pengenalan fungsi *Direct Credit* di dalam sistem ACH yang membolehkan pemindahan elektronik bagi pembayaran-pembayaran bernilai rendah.
2. Sistem CSD adalah sebuah platform elektronik bagi pendaftaran dan penyelenggaraan rekod-rekod sekuriti pembiayaan (*debt securities*) dan ianya akan menggantikan proses *book-entry* yang sebelumnya dilakukan secara manual. Pada masa ini, pengguna-pengguna sistem CSD adalah terdiri daripada institusi-institusi perbankan. Pengguna-pengguna sistem CSD kini juga boleh melihat keterangan akaun mereka secara *online* dan juga dapat membuat pemindahan sekuriti mereka melalui sistem tanpa perlu mengarahkan pemindahan tersebut secara manual. Seterusnya, CSD akan melaksanakan lelongan sekuriti-sekuriti baru dan juga *trading platform* bagi memudahkan *secondary market* di kalangan pengguna-pengguna CSD.
3. Sistem CSD juga menyediakan perkhidmatan depository bagi program Sukuk Al-Ijarah. AMBD, selaku ejen Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam bagi hal-hal yang melibatkan pengeluaran dan penerbitan sukuk, akan memperkenalkan beberapa jenis sukuk yang bersesuaian, termasuk Sukuk Al-Ijarah Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam berjangka panjang.
4. Sistem CSD adalah sangat penting bagi sistem pembayaran dan penyelesaian di Negara Brunei Darussalam dan akan menjadi asas bagi pembangunan pasaran modal di negara ini, termasuklah bagi penubuhan *Brunei Stock Exchange* nanti. Selaras dengan objektif yang ditetapkan dalam Pelan Sektor Kewangan AMBD (*Financial Sector Blueprint*), sistem CSD akan membantu negara ini dalam meningkatkan perkembangan program sukuk domestik dan menyediakan sebuah platform elektronik bagi penyaluran sukuk ke pasaran tempatan. Dengan sistem CSD ini, ianya akan memudahkan lagi pengurusan pengeluaran sukuk untuk dilakukan di dalam negara serta meningkatkan *secondary market trading* bagi sukuk.

Autoriti Monetari Brunei Darussalam

Date : 2 Syaaban 1438 / 12 May 2017

Ref : AMBD/COMMS/3